

Svim ljubiteljima pisane riječi, posebno proze, najavljujemo nesvakidašnje književno veče u Cazinu, pod nazivom "Duše su se srele". Naime, u čast književniku i dugogodišnjem novinaru, Mugdimu Galijaševiću, organizujemo književno veče na kome će biti prezentirano 5 njegovih djela: Suza na mezaru, Kapija života, Ispod duge, Izgubljene duše i Tajna.

*Mugdim Galijašević je rođen 1945. godine u Sarajevu gdje i danas živi i radi. Bio je novinar i zamjenik glavnog urednika nekadašnjih „Večernjih novina“, a više od 25 godina urednik brojnih redakcija „Oslobođenja“. Jedno vrijeme je radio kao portparol RMUP-a BiH, a bio je i jedan od urednika ratnog „Oslobođenja“. Više godina je bio dopisnik i komentator DW. U mirovinu je otišao kao glavni urednik „Avazovog“ izdanja za Evropu.*

Ovu večer za Cazin i Cazinjane organiziraju Kulturni centar Cazin i ansambl Bosniafolk iz Zenice, kojim rukovodi novinarka i voditeljica Sedžida Beganović – Isaković, dugogodišnja saradnica i prijateljica autora ovih velikih djela, koja je ujedno i moderatorica skupa.

Promocija će biti održana u četvrtak, 06.06.2019. godine, u velikoj sali Kulturnog centra Cazin, sa početkom u 18:00 h.

Promotori knjiga su Sedžida Ljubijankić, Jusuf Bajrektarević i Sabina Okanović.